

Informaziuns impurtontas

ORGANISAZIUN DIL CUORS 2026

Annunzia

L'annunzia succeda via formular sin frr.ch. L'annunzia ei ligionta, denton valeivla pér suenter il pagament dalla taxa da cuors.

Aertura dil cuors

Dumengia, ils 12 da fenadur 2026, ell'aula dalla claustra a Glion

(claustra dallas soras dominicanas)

15.30 apero da beinvegni
16.15 avertura
18.15 tscheina d'avertura (cun hosps)

Igl invit per l'avertura suonda fin zercladur/entschatta fenadur. Hosps ein beinvegni!

1. di da cuors

Tuttas participontas e tuts participonts serimnan gliendisdis, ils 13 da fenadur, allas 9.00 ell'aula dalla claustra.

Finiziun dil cuors

Venderdis, ils 24 da fenadur 2026

17.30 apero
18.15 tscheina finala
20.00 program recreativ ell'aula
22.30 (ca.) fin dil cuors

Excursiun

Gievgia, ils 16 da fenadur 2026

L'excursiun ha liug el ravugl da mintgamai 2-3 classas e cuoza gl'entir di. Nus supplichein da procurar per calzers adattai.

Program accumpignont

Duront las duas jamnas vegn purschiu la sera dallas 20.00 ni alternativamein era suentermiezdi dallas 15.45 in program accumpignont gratuit e public. Inaga ch'il program accumpignont ei definitiv, vegn quel publicaus sin nossa pagina d'internet.

Fin d'jamna duront il cuors

La sonda e dumengia, ils 18 e 19 da fenadur 2026: negin program e negina instrucziun.

Fotografias/films

Duront il cuors vegn adina puspei fotografau e filmau. Leis Vus buca schar publicar fotografias ni films da Vus, supplichein nus Vus dad annunziar quei ordavon a nus a scret.

Renconuschientscha dil cuors

Nies cuors vegn reconuschius sco cuors da perfecziunament entras il cantun Grischun per tuttas persunas d'instrucziun e mussadras/mussaders da scoletta, sco era entras il Center svizzer da perfecziunament dallas persunas d'instrucziun da scola media (CPS).
Mintga participont:a obtegn in diplom alla fin dil cuors.

Segiradas

Segirada ei caussa dallas participontas e dils participonts.

Taglia sin plivaleta

Las purschidas da cuors dalla FRR ein buca suttamessas alla taglia sin plivaleta.

Tgauns

Igl ei buca lubiu da prender tgauns al cuors, era buca all'exkursiun.

HOTEL DALLA CLAUSTRÀ (liug da cuors, albiert e dunsena)

Via d'access alla claustra e parcadis

Il plan culla via d'access alla claustra ei aschuntaus sutvart.
Cunquei ch'il plaz da parcar ei limitaus, cussegliem nus da formar cuminonzas da viadi.

Interns/Externs

Igl ei pusseivel da prender albiert el hotel dalla claustra duront il cuors. Reservaziuns per albiert e dunsena ein da far directamein tier la claustra.
'Interns' stat per persunas che prendan albiert el hotel dalla claustra, 'externs' per tut las autras.

Carta da hosps

Mintga participonta e mintga participont che pren albiert el hotel dalla claustra retscheiva igl emprem di ina [carta da hosps](#). Quella carta ei personalisada cun num ed adressa e dat access gratuit ni reduciu a differentas purschidas ella regiun.

Singulas tschaveras

Sper las persunas internas san era persunas externas prender singulas tschaveras el hotel dalla claustra, en special gentar e tscheina. Las singulas tschaveras san vegnir annunziadas entras in formular en lingia. In ligiom a quel – inclusivamein il plan da menu – vegn tarmess a tuttas participontas ed a tuts participonts rodund duas jamnas avon il cuors. Igl ei pusseivel da far midadas duront il cuors, mintgamai tochen la damaun dallas 9 dil medem di.


Bubrondas e snacks

Duront il cuors sa la consumaziun da bubrondas e snacks vegnir pagada directamein en daner blut ni per twint, ni vegnir nudada en ina gliesta da consumaziun individuala. Igl incasso da quella gliesta da consumaziun succeda alla fin dil cuors entras il persunal dil hotel dalla claustra.


Access cun sutga da rodas

Il hotel dalla claustra ei accessibels cun sutga da rodas.

Claustra dallas soras dominicanas a Glion



Survart: Via a pei naven dalla staziun dil tren



Via d'access cun auto, arrivond da Cuera/Laax